

УЗБК

9684

К-26



Фулом Каримий

# Мұқанна

22

352

9584

K.26

ГУЛОМ КАРИМИЙ

*Муқанна*  
(рисола)

ТОШКЕНТ  
«ABU MATBUOT-KONSALT»  
2011

УДК 94(575)(092) Муқанна

ББК 63.3(5Ў)4

К25

**Лойиҳа муаллифи ва масъул мұхаррир:**  
*тарих фанлари доктори Қ.К. Ражабов*

**Тақризчи:**  
*тарих фанлари номзоди Ш. Зиёдов*

**Каримий, Ғулом.**

Муқанна (рисола) / F. Каримий; лойиҳа муаллифи ва масъул мұхаррир Қ.К Ражабов. – Т.: «ABU MATBUOT-KONSALT» нашриеті, 2011. – 32 б. – (Тарих ва тақдир).

Манбашунос олимнинг мазкур тарихий рисоласи VIII асрнинг иккичи ярмида Туронзаминда халифалик истибодидига қарши күтарилигандың кийимлилар құзғолони раҳнамоси Муқанна фаолияттегі бағищланған. Үнда тарих дарслеклари ва илгарити тадқиқотларда мавжуд маълумотлар тақрор баён этилмасдан, имкон қадар бирламчи манбалар асосида янги фикр-мулоҳазалар билдиришга ҳаракат қилинған. Рисолага илова тарзда көлтирилған ноёб құләзмалардаги Муқанна құзғолонига оид парчалар таржимаси ўқувчиларда Ватанимиз үтмишидаги энт иирик тарихий воқеалардан бирининг манзараларини тұлароқ тасаввур әтишга ёрдам беради.

Ушбу тарихий рисола кенг китобхонлар оммасига мүлжалланған.

УДК 94(575)(092) Муқанна  
ББК 63.3(5Ў)4

## Сўзбоши

Муқанна қўзголони Ватанимиз тарихидаги энг йирик сиёсий воқеалардан бири сифатида ҳамиша тадқиқотчилар эътиборида бўлиб келмоқда. Ўтган XX асрда оқ кийимлилар ҳаракати ва унинг раҳбари Муқанна ҳақида Садриддин Айний, А. Якубовский, Г. Қодирова ва П. Равшановларнинг муҳим тадқиқотлари юзага келди. Уларда мазкур қўзголон анча кенг ёритилган. Бироқ янги даврда манбалардан қўшимча маълумотлар топилиши туфайли оқ кийимлилар қўзголони ва унинг йўлбошчиси Муқанна шахсиятига янгича нуқтаи назардан қарашиб ўтиёжи юзага келди. Ушбу рисолада олдинги тадқиқотлар орқали маълум жиҳатларга ортиқча тўхтамасдан, имкон қадар янги маълумотларни баён этишга ҳаракат қиласлик.

Муқанна қўзголони нафақат олимлар, балки шоир ва ёзувчи-ларни ҳам турли жанрларда асарлар яратишга илҳомлантириб келмоқда. Атоқли шоир Ҳамид Олимжон «Муқанна» тарихий драмаси, ёзувчи Мирзапўлат Тошпўлатов «Санам тоғидаги гулхан» тарихий қиссасини ёзи. Шу мавзуга бир қанча шеър, хикоя ва мақолалар ҳам багишлиланган. Оқ кийимлилар қўзголони ҳақида хорижий мамлакатларда қатор илмий тадқиқотлар яратилган. Шунингдек, Эрон ёзувчиси Сайд Нафисий ва аргентиналик жаҳонга машҳур адаб Луис Борхес Муқанна ҳақида хикоялар ёзишгани маълум.

Шуни таъкидлаб ўтиш лозимки, оқ кийимлилар қўзголонини исломга қарши ҳаракат ҳамда унинг раҳнамоси Муқаннани ислом душмани қилиб кўрсатишга интилишлар ғоятда бирёқлама эканлиги буғунги кунда яққол аён бўлиб қолди. Жаҳон тарихидан қиёс келтирадиган бўлсак, Франциянинг қатор вилоятларини босиб олган инглиз босқинчиларига қарши олиб борилган озодлик курашининг етакчиларидан бири Жанна д'Аркни руҳонийлар жодутарликлда айблаб, суд қилиб, «даҳриёна қилмишларини далиллар билан исботлаб», ўтда куйдиришган бўлишса-да, француз халқи асрлар давомида Жаннанинг хотирасини азиз тутиб, эҳтиром кўрсатмоқда. Муқанна хотираси ҳам Ўзбекистонда Тўмарис, Спитамен, Маҳмуд Торобий, Темур Малик, Жалолиддин Мангуберди, Амир Темур, Алимкул, Мадаминбек, Иброҳимбек каби буюк саркардалар қаторида эъзозланиб, ёш авлодни эркесварлик ва ватанпарварлик руҳида тарбиялашта хизмат қиласлик.

## Муқанна қўзғолони – ҳалқимиз тарихининг чигал ва мураккаб саҳифаси

**Х**озирги пайтда тарихчи олимлар олдида Ўзбекистон тарихини янгидан холисона ва илмий асосда ўрганиш вазифаси турган экан, ўтмишдаги жуда кўп мухим воқеаларнинг қайта баҳоланиши ўз-ўзидан аён. Туронзамин тарихининг турли даврларида ниҳоятда мураккаб воқеаҳодисалар юз берганки, батъап уларнинг асл моҳиятини англаш тадқиқотчилар учун катта қийинчиллик туғдиради. Мутахассислар бундай масалаларда бир-бирларидан фарқли, ҳатто тамомимла зид фикр-мулоҳазалар билдиришлари мумкин. Шундай воқеалардан бири VIII асрнинг иккинчи ярмида Араб халифалигига қарши кўтарилган Муқанна бошчилигидаги қўзғолондир. Қўзғолон раҳбарининг исми аслида Ҳошим ибн Ҳаким бўлиб, доимо юзига парда ёпиниб юргани учун у Муқанна, яъни Никобдор лақабини олган. Ибн Ҳалликон Муқаннанинг номи Ато бўлган, деб ёзган. Ўрта асрларда яшаган араб муаррихи туркӣ ота сўзини шундай ёзган бўлиши мумкин. Ўша замонда исломни қабул қиласан туронликлар асл туркӣ ва сүёдий номларидан таипқари, арабча исм ёки лақаблар олиши ҳам урф бўлган эди.

Муқанна бошчилигидаги қўзғолон иштирокчилари ўз ўйлбошчилари амрига кўра оқ либос кийиб юрганиларни учун бу ҳаракат тарих фанида «Оқ кийимлар қўзғолони», деб ҳам аталади. Деярли барча манбалар Муқаннанинг бош қароргоҳи Кеш (хозирги Шаҳрисабз) тумани ҳудудида, ўша даврларда Сом (батъзи манбаларда Сиём) деб аталган тоғдаги мустаҳкам қальъада бўлганини тасдиқлади. Муқанна бу жойда туриб, деярли бутун Мовароуннахр ва қисман Хурросон вилоятларида ғалаён кўтарган ўз тарафлорлари ҳаракатини болпқариб турган. Маҳмуд Кошғарий «Девону луғотит турқ» асари муқаддимасида турк шаҳарлари ҳамда тоғ, кўл, водий номларидан фақат батъзи мапхурларинигина ўз китобида келтирганини таъкидлаб ўтади. Бу асарда инч сўзи тинч деган маънони беради. «Инчканд

— Муқанна фуқароси яшаган шаҳарнинг номи. Сўнг ҳароб бўлган», — деган қисқача маълумот бор. Инчканд шаҳри, фикримиэча, Муқанна доимий қароргоҳ сифатида танлаган Сом тоғидаги мазкур қалъя бўлса керак. Оқ кийимлилар озод эттан вилоятларнинг ўртасида ва анча пайтгача жанговар ҳаракатлар бораётган худудлардан узоқда жойлашгани, нисбатан осоишига бўлгани туфайли эҳтимол тинч шаҳар маъносига бу манзил Инчканд деб аталгандир.

Шўро даврида илмий ва бадиий адабиётларда Муқаннани ислом душмани, оқ кийимлилар қўзғолонини эса исломга қарши ҳаракат сифатида кўрсатишга интилиш кучли эди. Ўша даврда ижобий баҳоланганд бу жиҳатлар эндиликда батъзан қўзғолонга, айниқса, унинг раҳбари шахсияти ва фаолиятига салбий баҳо бериш учун дастак бўлмоқда. Баҳоланки, ўша даврга оид тарихий манбаларнинг қиёсий таҳлили бундай фикрлар бирёклама эканини кўрсатади. Айрим сабабларга кўра, қўзғолоннинг ғоявий йўналишлари хусусига тадқиқотчиларнинг умумий бир фикрга келишлари анча мушкул. Назаримизда, бу ҳақда ҳаттий ҳукм чиқаришга шошилмаган маъқул. Энг аввало, манбалардаги айни мавзуга оид барча маълумотларни тўплаб, ўзбек тилига ўғириб, ўша даврдаги ниҳоятда мураккаб диний-сиёсий вазиятни ҳисобга олган ҳолда, бу масалани атрофлича тадқиқ қилмоқ зарур.

Муқанна таҳминаи 719 йили Марв яқинидаги Коза қишлоғига туғилган. Муқанна 776–783 йилларда Мовароуннахрда Араб халифалиги зулмига қарши кўтарилилган катта қўзғолонга бошчилик қилган. Бухоро, Самарқанд, Кеш ва Нахшаб шаҳарлари қўзғолоннинг асосий марказларига айланган. Қўзғолон мағлубиятга учрагач, арабларга таслим бўлишини хоҳ... аган Муқанна ўзини ёниб турган тандирга ташлаб, ҳалок бўлган. Бу воқеа 783 йили Кеп (Шаҳрисабз) яқинидаги Сом тоғида – Муқанна истехкомида юз берган.

## Муаррихларнинг Муқанна шахсиятига муносабати

III У нарса дикқатта сазоворки, қадимги тарихий манбаларда ҳам Муқанна қўзғолонига турлича муносабат билан ёндашиш ҳоллари бўлган. Ўрта асрларда оқ кийимлилар ҳаракатига бағишлаб маҳсус ёзилган асарлар ҳам бўлган. Улардан бири, яъни Иброҳим исмли муаррихнинг «Ахбори Муқанна» («Муқанна ҳақида хабарлар») китоби Абубакр Наршахийнинг «Бухоро тарихи» асарида тилга олинади. Академик В.В. Бартольднинг тахминича, бу асар муаллифи асли келиб чиқиши туркий хонадондан бўлган ва араб тилида ижод килган машҳур шоир Иброҳим ибн Аббос ас-Сулий бўлиши керак. Абу Райхон Беруний «Қадимги ҳалқлардан қолган ёдгорликлар» асарида: «Муқанна ҳақидаги хабарларни форсчадан арабчага таржима қилдим ва уларни «Оқ кийимлилар ва карматийлар ҳақидаги хабарлар» номли китобимда тўла баён этдим», – деб маълум қиласди. Беруний бу асарини 27 ёшида ёзис тутгатганини эсласак, оқ кийимлилар ҳақидаги китобини олдин – навқирон йигитлик даврида ёзгани аён бўлади. Демак, улуғ олимни илмий фаолияти бошланишидаёқ қизиқтирган илк мавзулардан бири Муқанна қўзғолони бўлган. Афсуски, «Ахбори Муқанна» китоби ва Берунийнинг «Оқ кийимлилар ва карматийлар ҳақидаги хабарлар» асари сақланиб қолмаган. Аммо алломанинг бошқа бъязи асарларида Муқанна ҳақида маълумотлар учрайди.

Шунингдек, ўрта асрларнинг Наршахий, Табарий, Балъамий, Ибн Халликон, Гардизий, Абулфараж Яхудий, Яъқубий, Ибн ал-Асир каби улкан муаррихлари оқ кийимлилар қўзғолонига ўз асарларидан жой ажратишган. Бу муаррихларнинг бъязилари асарларида бошқаларида учрамайдиган маълумотлар мавжудлиги, шу тариқа манбалар бир-бирини тўлдириши уларнинг барчасини сипчикаштада тадқик этиш зарурлигини кўрсатади. Масалан, Наршахий «Бухоро тарихи» асарида Муқанна тарафдорларининг Бухоро вилоятида қўзғолон кўтаришлари тафсилотига анча кенг тўхталади. Самарқанд вилоятида содир бўлган воқеалар ҳақида эса бир неча сатр ёзиш билан кифояланади. Балъамий эса, аксинча, «Таржимаи тарихи Табарий» асарида оқ кийимлилар ва халифа қўшинлари ўртасида Самарқанд учун бўлган шиддатли жанглар ҳақида кенгрок маълумот беради. Абусаид Гардизий

ўзининг «Зайн ул-ахбор» («Хабарлар безаги») асарида халифа томонидан оқ кийимлиларга қарни юборилган Абу Нуъмон, Жунайд, Лайс ибн Наср, Ҳассон ибн Тамим, Муҳаммад ибн Наср каби иирик саркардалар қўзғолончилар тарафидан мағлуб этилганлиги ҳақида ниҳоятда муҳим хабарларни келтиради. Демак, барча манбалардаги мавжуд маълумотларни қиёсий тадқиқ этиш мазкур қўзғолоннинг нисбатан яхлит манзарасини тасаввур қилишимизга ёрдам беради.

Ҳасрда яшаган муаррих Абубакр Наршахийнинг «Бухоро тарихи» асари ўзбек тилига ўғирилиб, бир неча бор чоп этилгани учун мазкур асардаги Муқанна қўзғолонига оид маълумотлар кўпчиликка яхши маълум. Дарҳақиқат, ушбу манба оқ кийимлилар қўзғолони ҳақида жуда кўп муҳим маълумотларни беради. Шу билан бирга, Наршахий қўзғолон ва унинг раҳбари фаолиятини қаттиқ қоралаб, Муқаннани худолик даъвосини қилганиликда айблайди. Аммо тури миаррихларнинг Муқаннанинг бу хил даъволари ҳақидаги маълумотлари бир-биридан фарқ қиласди. Манбашунослик фани ҳар қандай манбадаги маълумотларни танқидий назардан ўтказиб, уларга эҳтиёткорона ёндашишни талаб этади. Тарихчи Муҳаммад ибн Жарир Табарий (839–923) Муқанна руҳларнинг кўчиб ўтиши (таносухи арвоҳ)ни тарғиб қилган ҳақида ёзади. Беруний пайгамбарлик даъвосини қилган кишилардан Муқанна, худолик даъвосини қилгандардан эса машҳур сўфий Мансур Ҳаллож номини келтиради. Шуниси борки, «Аналҳақ», яъни «Мен – худоман» деб хитоб қилган Мансур Ҳаллож халифа буйругига кўра қатл қилинган бўлса-да, бу ҳол унинг неча асрлар давомида авлиё сифатида улуғланишига монелик қилмаган. Муқаннанинг даъвоси ҳам қандайдир мажозий маънода, тарафдорларини курашнинг ғалабасига ишонтириш мақсадида қилинган бўлиши мумкин. Ўша даврда Туронда ислом ва зардуштийлик динлари кенг тарқалганини назарда тутсак, тўғридан-тўғри пайгамбарлик ёки худолик даъвосини қилган кимса кўпчилик аҳоли ўртасида муваффақият қозонишининг имкони йўқ эди. Баъзи ўрга аср уламолари оқ кийимлилар ҳаракатини исломдан ташқари ва унга ёт бир ҳодиса эмас, балки унинг ўз заминида вужудга келган бир фирмә деб ҳисоблашган. Ҳасрда яшаган қомусчи Абу Абдуллоҳ Котиб Хоразмий қаламига мансуб «Мафотиҳ ул-улум» («Илмларнинг калитлари») китобининг «Калом илми» боби ик-

кинчи фаслида исломдаги фирмаларнинг рўйхати келтирилган. Жами элликдан ошиқ фирмалардан бири Оқ кийимлилар фирмаси деб номланган ва унга қуийдагича таъриф берилган: «Оқ кийимлилар ал-Муқанна Ҳошим ибн Ҳаким Марвазийга эргашган кишилардир. Кора либос кийганд Аббосийлар давлати тараффорларига муҳолифат юзасидан оқ либос кийишгани учун уларни шу ном билан аташган». Шу тариқа Котиб Хоразмий асарида Абу Ҳанифа, Аҳмад Ҳанбал, Ҳасан Басрий каби мўътабар имомлар қаторида Муқанна ҳам исломдаги алоҳида бир фирманинг асосчиси сифатида кўрсатилган! Буюк олим фирмаларни санаб ўтар экан, улардан бирортасини ажратиб кўрсатмайди ёки бирини устун қўйиб, бошқасини қораламайди. Уларнинг ислом тарихида мавжуд бўлганини қайд этади, холос.

Оқ кийимлилар қўзғолонининг моҳиятини англашта ёрдам берадиган топилмалардан бири Муқанна томонидан зарб қилинган ва ҳозирча ягона нусхада топилган мис тангадир. Ушбу тантани самарқандлик таниқли тангашунос олим Д. Коңев аниқлаб, у ҳақда илмий мақола эълон қилди. Тангадаги ёзувларда Оллоҳ номи – «Бисмиллоҳ», яъни «Оллоҳ номи билан» сўзи зикр қилинган бўлиб, у Абу Муслим волийси (ноиби) Ҳошим (яъни Муқанна) томонидан зарб қилдирилгани таъкидланади. Маълумки, аббосийлар саркардаси, асли хурросоплик Абу Муслимнинг Хуросон ва Мовароуннаҳри халифалиқдан ажратиб олиш учун исён кўтаришидан хавфсираган халифа уни хиёнаткорона тарзда ўлдиртиради. Муқанна ўзини Абу Муслим издоши ва унинг давомчиси, деб эълон қиласигани эса бошқа манбаларда ҳам қайд этилган. Агар Муқанна ҳақидаги ёзма манбаларнинг аксарияти икки-уч аср кечроқ даврга оид бўлса, мазкур танга айни ўша замоннинг шоҳидидир. Шу сабабли бу ноёб топилма бир қанча муҳим хуласалар чиқаришта имкон беради. Аввали, у Муқаннанинг Оллоҳга иймон қелтиргани ва исломни асло инкор қилмаганини кўрсатади. Қолаверса, танга зарб қиласигани Муқаннанинг бир неча йил давомида бўлса-да, мусгакил давлат куриб, унда батзи иқтисодий тадбирларни амалта оширганидан далолат беради. Балъамийнинг Муқаннани «Фарғона ва Туркистон подшоси» деб атагани ҳам буни тасдиқлайди.

Йирик тарихий шахслар фаолияти ҳақида тадқиқот олиб боргандга асосий мақсад уларнинг шахсиятини қоралаш ёки

оқлаш эмас, балки имкон қадар уни англашга интилишдан иборат бўлгани маъкул.

Чунончи, Бальамийнинг «Таржимаи тарихи Табарий» асарида Муқанна қароргоҳида бўлган араб элчисининг сўзлари келтирилган. Таслим бўлиш талаби билан келган элчи, ўзи эътироф этишича, барибир мени ўлдиришади, деб ўйлаб, хаёлан ҳаёт билан видолашади. Аммо Муқанна, гарчи унинг шартини қабул қилмаса-да, яхши муомала қилиб, зиён-заҳматсиз кузатиб қўйишни буоради. Ушбу мисол ҳам оқ кийимлилар йўлбошчисининг олиҳиммаг шахс бўлганидан далолат беради. Илк ўрта асрларда исломда турли оқим ва фирмалар вужудга келиб, улар ўртасида ихтилофлар ва қонли тўқнашувлар рўй берган. Ҳар бир тараф ўз муҳолифларини коғир ёки муртад деб эълон қилган. Шуни назарда тутганда, ўтмишда Муқанна шахсига ёпишгирилган турли ёрикларнинг барчасини ҳақиқат дейиша асос йўқ.

### Муқанна қўзғолони иштирокчилари

*Y*рта аср муаррихлари оқ кийимлиларга қарши уруш олиб борган араб халифаси лашкарини гоҳо араблар дейишиша-да, кўпроқ мусулмонлар деб ёзишади. Халифа қўшинида, араблардан ташқари, турли тобе ўлкалардан, жумладан, Мовароуннаҳр аҳолисидан йигилган аскарлар ҳам бўлган, албагта. Бироқ тарихий манбаларда «Мусулмонлар оқ кийимлилар билан жант қилдилар», деб ёзилгани учун, демак оқ кийимлилар сафида мусулмонлар бўлмаган эканда, деб ўйласак, янгиши хулоса чиқарган бўламиз. Тўғри, оқ кийимлилар қўзғолонида ҳали исломни қабул қилмаган ёки яқинда исломга ўтган бўлса-да, эътиқодида собит бўлмаган ва эски динга қайтишни истаган кишилар ҳам фаол иштирок қилишган. Аммо Муқанна қўзғолони моҳиятани исломига қарши эмас, балки истилочилар зулмита қарши кўтарилган эди. Қўзғолон сардорлари исмлари орасида мусулмонларга хос номларнинг борлиги унинг оддий иштирокчилари сафида ҳам мусулмонлар оз бўлмаганини кўрсатади. Чунки бу даврга келиб Мовароуннаҳр фатҳ этилганидан бери 60-70 йил ўтган, аҳолининг салмоқли қисми мажбуран ёки ихтиёрий тарзда исломни қабул қилган эди.

Аббосийлар хонадони халифалик таҳти учун уммавийлар сулоласига қарши кураш бошлаганида Мовароуннахр ва Хурросон аҳолиси аббосийларни қизғин қўллаб-куватладилар. Аммо VIII аср ўртасида халифалик устидан хукмронликни эталаган аббосийлар тобе ўлкаларга баъзи енгилликлар бериш ҳақидаги ўз ваъдаларини бажармадилар. Шу сабабли бу сулола хукмронлигининг дастлабки йилларида ёқ Мовароуннахр ва Хурросонда катта-кичик галаёнлар кўтарилиб, улар анча қийинчилик билан бостирилган эди. Оқ кийимлилар қўзғолонини ҳам истилочилар зулмидан безор бўлган маҳаллий мусулмонларнинг анчагина қисми қўллаб-куватлаб, қўзғолончилар сафида жанг қилишмаганида, Муқанна халифанинг номдор саркардалари устидан қозонтан ғалабаларига эришмоғи амримаҳол эди. Араб истилочиларига қарам бўлиб, уларнинг ўлкани итоатда сақлаб туришига қўмаклашадиган гумаштаси даражасига тушиб қолган қадимги Бухоро хукмдорлари – бухорхудотлар сулоласига мансуб Бунёт ибн Тағшода (хукмронлик даври: 775–782)нинг, ўзи ислом динида бўлишига қарамай, Муқанна тарафдорларини зидан қўллаб-куватлагани қўзғолон ҳақиқий озодлик кураши бўлганининг ёрқин далилларидан биридир.

Наршахий Бунёт ибн Тағшода ҳақида шундай деб ёзади: «У отаси ислом динида эканлигига тугилди, бир қанча вақт мусулмон бўлиб турди. Муқанна пайдо бўлиб, оқ кийимлилар қўзғолони Бухоро қишлоқларига тарқалгач, Бунёт уларга мойил бўлиб, ёрдам берди ва натижада оқ кийимлиларнинг қўллари узайиб, улар ғалаба қозондилар. Алоқа (хат-хабар) ишлари бошлиги бу ҳақда халифага хабар юборди». Шундан сўнг Наршахий Бунёт диндан қайттани ва қўзғолончиларга ёрдам бергани учун халифа буйруғига кўра қатл этилганини айтади. Бироқ мантиқан мулоҳаза қилгандা, болалигигида ёқ мусулмон бўлган одамнинг улғайганда диндан қайтиши унчалик осон иш эмас. Аслида, Бунётнинг мусулмон бўлагуриб, қўзғолонига мадад бергани ҳақиқатга яқинроқдир. Чунки унинг учун ислом динида қолиш ёки эски динга қайтиш масаласидаи кўра, оқ кийимлилар ёрдамида Бухорода ўз сулоласининг мустақиллигини тиклаш ғояси мухимроқ бўлгани табиийдир. Бухорхудотлар сулоласининг араблар вайрон этган ҳашаматли ёзги қароргоҳи Варахшани қайта обод этишига ҳаракат қилтани ҳам Бунётнинг истиқлонни орзу этгани ва бунга интилганини кўрсатади. Шунинг учун у ўз ҳаётини хатарга

қўйиб бўйса-да, зимдан Муқаннага хайриҳоҳлик билдирган. Бунётнинг ушбу хатти-ҳаракатлари халифа томонидан уни «диндан қайтган», деб эълон қилиш учун етарли эди.

## Оқ кийимлилар қўзғолонининг сабаблари

**П**уркистоннинг бир неча минг йиллик тарихидаги энг йирик воқеалардан бири бўлмиш ушбу буюк қўзғолон чуқур сабаблар билан боғлик эди, албатта. Истилочиларнинг хирожни вақтида тўламаган дехқон ва хунармандларнинг баданига тамға босишгача боришгани зулм энг шафқатсиз даражага еттанининг далиллариданdir. Қолаверса, Муқанна бошчилигидаги қўзғолон кутилмаган ва ягона ҳодиса эмас эди. VIII асрдаги Мовароунаҳр тарихини халифаликка қарши истиқлол учун кураш ва деярли узлуксиз давом этган қўзғолонлар тарихи, десак асло муболага бўймайди. Оқ кийимлилар қўзғолони булардан энг йириги ва кенг кўламлиси бўлиб, бир неча йил давомида бутун халифаликни ларзага солиб турди ва, шубҳасиз, Туроннинг истиқлолга эришиш жараёнини тезлаштиргири. Кўламдорлиги, узоқ давом ётани, аҳолининг кенг қатламлари иштирок қилгани, ниҳоятда аёвсиз олишув ва шиддатли жанглар или кечганига кўра Муқанна қўзғолонини ўрта асрлар жаҳон тарихидаги энг йирик ҳалқ қўзғолоплари, хусусан, Чехиядаги Ян Гус тарафдорлари, яъни гусчилар ҳаракати ва Германиядаги дехқонлар урушига қиёслаш мумкин. Қўзғолоннинг бош раҳнамоси Муқаннадан ташқари Ҳорижа, Ҳаким, Ҷофий, Ҳашвий, Найза, Фирдак, Кулортагин, Суғдиён, Каёки Ғузий, Жамхур, Ҳаждон каби кўплаб сардорларининг номлари тарихий манбаларда сақланиб қолган. Ҳар бир ном ортида бундан ўн уч аср бурун Туронзамин истиқлоли учун ўз жонини фидо қилган қаҳрамон аждодларимиз хотираси турибди. Шунингдек, Муқаннанинг ўз уласи Қабзам ва лашкарбошиси Саржама оғир вазиятда унга хиёнат этиб, душманлар томонига ўтишгани ҳам маълум.

Оқ кийимлилар қўзғолони ҳақидаги хабарлар ўрта асрларда маълум ва машҳур бўйган. Муқанна ёки Нахшаб ойи (Моҳи Нахшаб) мумтоз Шарқ адабиётида кенг қўлланилган бадиий образлардан биридир. Сомонийлар сулоласининг баъзи хукмдорлари ҳақида бир неча сатр ёзиш билан чекланган Наршахийнинг

Муқанна құзғолони баёнига бир неча саҳифаны ажратгани, бошка муаррихларнинг ҳам оқ кийимлилар ҳаракатини ўша даврдаги эңг мұхим тарихий воқеа сифатида қайд этиштани, Маҳмуд Конғарийнинг Турон тарихида из қолдирған бир неча йирик тарихий шахсніңтина ислами тилге олинған «Девону луготиг түрк» асарида Муқанна номи ҳам борлығи бежиз әмас, албатта.

## МУҚАННА ҚҰЗҒОЛОНІ МУАРРИХЛАР ТАЛҚИНИДА

### 1. Муқанна құзғолони ҳақида тарихчи Гардизий маълумотлари

*Ж*ерта асрлар Шарқининг етук муаррихларидан Абу-саид Гардизий (XI аср) «Зайн ул-ахбор» («Хабарлар безаги») номли асари билан машхур. Муаллифнинг ҳаёти ҳақида маълумотлар кам. У асли Шарқий Афғонистоннинг Гардиз туманидан бўлиши керак. Айтидан, у кўп йиллар ўша пайтдаги Хуросон пойтахти бўйган Ғазна шаҳрида яшаб ижод қилган.

Гардизий ўз асарини газнавийлар сулоласига мансуб ҳукмдор Абдурашид ибн Султон Маҳмуд ҳукмронлиги даври (1049–1053)да ёзғап. Муаррих буюк олим Абу Райхон Беруний билан мулоқотда бўлған. Китобининг «Ҳиндларнинг байрамлари ҳақида» бобида «Мен худо раҳмат қилгур Абу Райхон Мұхаммад ибн Аҳмад ал-Берунийдан шундай эшитган әдим», деб мұхим маълумотларни келтирди, Берунийнинг асарларидан ҳам кенг фойдаланганини эътироф этади.

«Зайн ул-ахбор» асарида жуда кўп тарихий, жуғрофий, этнографик маълумотлар бор. Муаллиф турклар, эронликлар, румликлар, ҳиндлар, яхудийлар, юнонлар, оташпаастларнинг байрамлари, урф-одатларига оид қисиқарли, мұхим хабарларни баён қиласи. Шунингдек, «Зайн ул-ахбор»нинг дастлабки қисмлари даги Хуросон ва Мовароуннахрнинг араблар томонидан истило қилинishi, сўнгра Сомонийлар сулоласи тарихи баёни ҳам илмий жиҳатдан аҳамиятлиdir.

Асадаги Мовароуннахр тарихига оид муҳим маълумотлардан бири VIII асрнинг иккинчи ярмида араб халифалиигига қарши кўтарилиган Муқанна бошчилигидаги йирик қўзғолон тафсилотлари дир. Гардизий Муқанна қўзғолони ҳакида бошқа мўътабар манбаларда ҳам учрамайдиган баъзи маълумотларни баён қиласди.

Ушбу ноёб манба ҳали ўзбек тилига таржима қилинмаган. «Зайн ул-ахбор»даги қуйидаги парчалар асарнинг Абдулҳай Ҳабибий амалга оширган форсча нашридан ўзбек тилига таржима қилинди.

Абусаид Гардизий  
«Зайн ул-ахбор»дан

Ўттиз бешинчи фасл  
Хумайд ибн Қаҳтаба амирлиги даври

Мансур (у 754–775 йилларда ҳукмронлик қилган аббосийлар халифаси – Мух.) бир юз эллик биринчи йил шаъбон ойининг биринчи куни Хуросонни бошқаришни Хумайд ибн Қаҳтабага топширди. Хумайд катта доий (ташвиқотчи)лардан эди. Ўша замонда Мансур вафот этди ва Маҳди халифалик таҳтига ўтиради (у 775–785 йилларда халифа бўлган – Мух.). У ҳам Хуросонга ҳукмдорлик ёралигини Хумайд номига жўнатди. Хумайд амирлиги даврида Муқанна хуруж қилди ва оқ байроқ кўтарди. Муқанна бир кўзли одам бўлиб, Марвда жомацўйлик қиласди. Унинг номи Ҳаким эди. Илк дафъа хуруж қилганида пайғамбарлик даъвосини қилди. Алал-оқибат «мен – худоман», деб даъво қилиб, одамларни ўзига банда бўлишга чақирди. Ўзига зар ниқоб қилиб олиб, ҳеч ким кўрмаслиги учун юзини ёпиб юрарди. Чунки жуда бадбашара эди. У шундай дерди: «Улут ва кудратли Ҳудо Одам (Ато)ни яратиб, ўзи унинг суратига кирди. У вафот этгач, Нух суратига кирди. Сўнгра Иброҳим, ундан кейин Мусо суратларига кирди. Сўнгра Исо, ундан кейин Муҳаммад алайҳиссалом суратларига кирди. Шу тариқа, ниҳоят Абу Муслим суратига кирди. Абу Муслимдан кейин Ҳошим, яъни Муқанна суратига кирди». Шу тарзда Муқанна ўзига Ҳошим деб ном кўйган эди.

Жуда кўп гумроҳ одамлар Муқанна сари интилдилар ва унга сажда қилдилар. Жанг майдонида улар «Ё Ҳошим, мадад бер!», деб гўё улуг ва қудратли Ҳудодан ёрдам сўрагандек сурон кўтарардилар. Муқанна атрофига кўп одам тўпланди. У Кеш (Шахрисабз) туманидаги Сиём қалъасини қароргоҳ қилиб танлади ва бу қалъа атрофига истеҳкомлар қуришди. Бухоро ва Суғдда ҳам оқ кийимлилар пайдо бўлишди ва Муқаннани қўллаб-куватлашди. Муқанна кофир туркларни ҳам мададга чақирди. Улар мусулмоnlарнинг мол-мулкини торат қилдилар ва бу ишлар кўпроқ Суғдда содир бўлди. Саркарда Абу Нуъмон уларга қарши борди, аммо ҳеч нарса қилолмади. Оқ кийимлилар вилоятта ва Кеш шаҳрита келиб, барча йўлларни ишғол қилишди. Улар Навокат ва Сангардак қалъаларини ҳам мустаҳкамладилар.

Абу Нуъмон, Жунайд, Лайс ибн Наср ибн Ҳассон ибн Тамим ибн Наср ибн Сайёр, Мұхаммад ибн Наср каби саркардалар оқ кийимлилар билан жанту жадал қилишди. Аммо улардан ҳеч бири муваффақиятта эришолмади ва барчаси мағдубиятта учраб, орқага чекинишди. Шундан сўнг Маҳди Жаброил ибн Яҳё ва унинг укаси Язиҷни жўнатди. Улар Ҳусайн ибн Маоз вилоятта ҳоким бўлган пайтда Бухорода бош кўтарган оқ кийимлиларни бостириш билан машғул бўлишди. Бир юз эллик етгинчи йили Жаброил улар билан Нумижкат шаҳри (Бухоро яқинидаги шаҳар – Мұх.) ёнида жант қилиб, улардан етти юз кишини ўлдирди ва қолганлари пароканда бўлиб, Муқанна тарафга кетишиди. Шундан сўнг Жаброил Самарқандга жўнади ва суғдларга хужум қилиб, уларнинг бир сардорини ўлдирди.

Хуросон амири Ҳумайд ибн Қаҳтаба ўлгач, бир юз эллик тўққизинчى йил охиригача унинг ўғли Абдуллоҳ ибн Ҳумайд ҳукмронлик қилди.

*Ўттиз олтинчи фасл*

*Абу Авн Абдулмалик ибн Язид амирлиги даври*

Маҳди Хуросонни Абу Авнга берди. У бир юз олгмишинчى йил сафар ойининг ўргасида душанба куни ўз ўғлини илгор тарзida жўнатди. Абу Авн Хуросонни бир йилу бир ой бошқарди ва Муқанна билан жантлар қилди. Ҳумайд замонида Юсуф Сақфий Ҳарурий бош кўтарган эди. Ҳаким Толиконий ва Бумаоз Форёбий ҳам у билан бирга эди. Улар Пушинг (шахри)ни Мусъ-

аб ибн Зурайқдан тортиб олишди. Юсуф Марварруд, Толиқон ва Гузгононда галаба қилди. Аммо Балх ҳошимийлари у билан жант қилиб, мағлубиятта учратиши. Бумаоз Форёйини қўига олиб, Маҳди хузурига жўнатиши. Маҳди Бумаозни Бағоддода дорга осишни буюрди. Шундан сўнг Маҳди Абу Авнни Хурсон амиригидан маъзул қилди.

*Ўттиз еттингчи фасл  
Маоз ибн Муслим амирлиги даври*

Маҳди Хурсонни Маоз ибн Муслимга берди.. Маоз Марвга келгач, Хурсон ишларини тартибга солди. Шундан сўнг у Муқаннага қарши юришга жазм қилди ва Сайд Ҳарашийни ўзлашкарининг илғори тарзида жўнатди. Уқба ибн Салм ҳам Тавовисда (Наршахий маълумотига кўра, бу қишлоқнинг асл номи Арқуд бўлган. Бу қишлоқ ҳозирги Навоий вилояти Қизилтепа тумани ҳудудида жойлашган – Мух.) уларга кўшилди ва биргаликда Самарқандга бориши. Муқаннанинг одами Ҳорижга ўн беш минг оқ кийимли билан Жаброил ибн Яҳёга қарши жанг қиласар эди. Жаброил улардан уч мингини жантда ўлдириди. Бу мадад етиб келгач, мусулмонлар кучайиб оқ кийимлилар заифлашиб қолдилар ва улардан кўпчилиги ўлдирилди. Қолганлари Муқанна тарафга қайтиши. Муқанна Сиём қалъаси олдига хандақ қазиб, мусулмонлар билан жанг қилди. Оқ кийимлиларнинг аҳволи тант бўлди, аммо улар бардош бериши. Бироқ улар бир-бирларининг терисини ейиш даражасига бориштач, Муқаннага билдирамай, Ҳарашийдан сулҳ сўрапиди. Ҳараший (уларнинг илтимосини) қабул қилди ва ўттиз минг киши хандақдан ўтиб, (қалъадан) чиқиб кетиши. Муқанна икки минт кишидан иборат эркак ва аёл тобелари билан қолди. Сайд Ҳараший ва Маоз ибн Муслим ораларида совуқлик пайдо бўлган эди. Маоз Маҳидан ўзини Хурсондаги амалдан бўшатишини сўради ва илтимоси ижобат этилгач, Ироққа жўнаб кетди.

*Ўттиз саккизинчи фасл  
Мусайяб ибн Зухайр амирлиги даври*

Шундан сўнг Маҳди Хурсон ёрлигини Мусайяб ибн Зухайрга бериб, уни Хурсонга жўнатди. Мусайяб бир юз олт-

миш олтинчи йилнинг жумодил аввал ойида Хурасонга етиб келгач, хирож йигишга машғул бўлди. Сўнгра Муқаннага хужум қилиш учун Бухоро тарафга равона бўлди. Шунда Сайд Ҳараший Муқаннани қалъада қаттиқ мухосара қилиб, галаба қозонгани хабарини эшигди. Муқанна начор вазиятга тушиб қолгач, хотишиларини тўплаб, заҳар тайёрлади ва уларга жаннатни ваъда қилиб, барчасига заҳар ичирди. Ҳаммаси ўша заҳоти ўлиб қолдилар. Муқанна ҳам заҳар ичди, аммо у секин жон берарди. У ёронларидан бирита бўйнига қилич уришни буюрди ва (душманлар) топа олмасликлари учун жасадини оловда қуидиришни васият қилди. Унга эрганига гумроҳлардан баъзилари, у осмонга кетди, дейишади. Айрим кипшилар шу сабабдан алда нишди ва ҳозиргача муқаннайилар (муқанначилар) бордирлар. Лашкар қалъага бостириб кирганда у ерда одамлар йўқ эди. Нимики топган бўлишса, ўзлари билан олиб кетишиди.

## 2. Муқанна қўзғолони ҳақида тарихчи Табарий ва Балъамий маълумотлари

**K**ўп йиллар давом этган жараён натижасида IX асрнинг иккинчи ярмида ўлкамизда мустақил Сомонийлар давлати ташкил топди. Сомонийлар давлатида подшодан кейинги энг юксак мақом бўлган вазирлик лавозими навбати билан асосан учта машхур хонадон қўлида бўлган. Булар Жайҳонийлар, Балъамийлар ва Утбийлар хонадонларидир. Мазкур хонадонларнинг ҳар биридан вазирлик билан бирга бошқа соҳаларда ҳам катта ишларни амалга оширилан кишилар етишиб чиқкан. Масалан, сомоний хукмдор Наср II ибн Аҳмаднинг (хукмронлик даври: 914–943) вазири Абу Абдуллоҳ Жайҳоний жуғроғията оид «Китоб ал-масолик ва-л-мамолик» ва тарихта оид «Китоби таворих» каби мұхим асарларни таълиф этган. Балъамийлар ҳам маърифатлиликда Жайҳонийлар ёки Утбийлардан қолишимаганлар. Низомулмулк ўзининг «Сиёсаннома» асарида намунали вазирлар қаторида Балъамийларни ҳам тилга олади. Бу хонадоннинг бир намояндаси Абулфазл Мұхаммад ибн Убайдуллоҳ Балъамий олимлар ва шоирлар, айниқса, буюк шоир Рудакийга ҳомийлик қилгани, Бухоро ва Марв шаҳарларида бир қанча бинолар қурдиргани билан машҳурдир. Унинг ўғли Абу

Али Мұхаммад ибн Мұхаммад Бальамий (974 йили вафот эттан) Сомонийлар давлати амири Абдурмалик ибн Нұх (хукмронлик даври: 954–961) хукмронлигининг сүнгти йилларида вазирлик мансабини әгаллаб, кейинги хукмдор Мансур ибн Наср (хукмронлик даври: 961–976) даврида ҳам шу лавозимда бўлган. Абу Али Мұхаммад Бальамийнинг давлат арбоби сифатида амалга оширган ишлари ҳақида маълумотлар кам сакланиб қолган. Аммо у ўрга асрлар Шарқининг улкан муаррихи Абу Жаъфар Мұхаммад ибн Жарир Табарийнинг «Тарих ар-русл ва-л-мулук» («Пайғамбарлар ва подшодар тарихи») асарини ёки қисқача номи билан айтганда «Тарихи Табарий»ни араб тилидан форс тилига таржима қилиб, баъзи қисмларини қайта ишлагани билан кўпроқ шухрат қозонди. Абу Жаъфар Мұхаммад ибн Жарир Табарий 839 йилда Эроннинг Табаристон вилоятидаги Омул шаҳрида туғилиб, умрининг кўп қисмини Бағдодда ўтказган ва 923 йилда Бағдод шаҳрида вафот этган. Асосий асарлари илохиёт ва тарих соҳаларида ёзилган. У Қуръони каримга йигирма жилдлик тафсир ёзган. Табарий айниқса Қуръонда зикр этилган тарихий воқеаларни шу қадар муфассал шарҳлаганки, бу тафсир тарих фани учун ҳам катта аҳамиятга эгадир. Олимнинг асосий тарихий асари «Тарих ар-русл ва-л-мулук» ёки «Тарихи Табарий» бўлиб, унда энг қадимги даврлардан то муаллиф замонасигача Миср, Арабистон, Ирок, Эрон, Кавказ, Хурросон, Мовароуннахр, Рум, Шом, Мағриб каби бир қатор ўлкаларда бўлиб ўтган муҳим тарихий воқеалар ҳақида ҳикоя қилинади. Асар солнома тарзида ёзилиб, воқеалар йилма-йил баён қилишган. «Тарихи Табарий»да бизгача етиб келмаган кўпдан-кўп манба ва ривоятлардан фойдаланилган. Ўрта асрларда Шарқ мамлакатларида бу асар ғоят машҳур бўлиб, тарихнависликда намуна ҳисобланган ва қўлёзма нусхаларда кент тарқалган.

«Тарих ар-русл ва-л-мулук»нинг Бальамий томонидан амалга оширилган форсий таржимаси, яъни «Таржимайи тарихи Табарий» ҳам асл нусхадан кам шухрат қозонмади. Бу асар «Табарий – Бальамий тарихи» номи билан машҳурdir. Вазир Бальамий асарни таржима қиласа экан, айрим жойларини қисқартирган, баъзи фаслларини эса янги маълумотлар билан бойиттан, баъзи ўринларда у «Мұхаммад ибн Жарир (яъни Табарий) бу ҳақда айтмаган, лекин биз буни келтирдик», – деб таъкидлаб ўтади. Таржимоннинг қўлшимчалари айниқса Туркис-

тон тарихига багишиланган бобларда күпроқдир. Балъамийнинг ўзи туғилиб ўсган заминда юз берган тарихий воқеаларнинг айрим жиҳатларини эронлик Табарийдан кўра яхшироқ билишининг ҳеч бир ажабланарли жойи йўқ. Мархум шарқшунос олима Р. Жалилова Балъамийнинг Табарий тарихига қилган айрим кўшимчалари ҳақида рус тилида илмий мақола эълон қилган эди. «Таржимайи тарихи Табарий»нинг, айниқса, Муқанна қўзғолони ҳақида ҳикоя қилинган фаслларида асл арабий нусхада, баъзиларида эса бошқа бирон-бир тарихий манбада учрамайдиган муҳим маълумотлар мавжуддир. Бу ҳол мазкур фасллар ҳақида сўз юритилганда Балъамийни таржимон эмас, балки муаллиф сифатида эътироф этишга асос бўлади.

«Тарих ар-русл ва-л-мулук»да Муқанна қўзғолони ҳақидаги хабарлар қисқача бўлиб, ундан ҳижрий 161 ва 163 йиллар (мелодий 777–780 йиллар) воқеалари баёни ўрин олган. Бошқа манбаларда қўзғолон камида 7–8 йил давом этгани яхши маълум. Аммо Табарий маълумотига кўра, у учинчи йилиёқ бостирилган бўлиб чиқади. Бу ҳол муаррихнинг оқ кийимлилар исёни ҳақида аниқ, ва муфассал маълумотларга эга бўлмаганини кўрсатади. Балъамийнинг қўл остида эса бундай маълумотлар нисбатан кўпроқ бўлган. Хурматли ўқувчилар айни мавзуга оид Табарий ва Балъамий маълумотларини таққослаги имкониятига эга бўлишлари учун Табарий тарихининг асл арабий нусхасидан Муқанна қўзғолонига оид хабарларни қутида тўлиқ келтирамиз:

### Табарий

«Тарихи Табарий» асаридан

«161 йилда рўй берган воқеалар зикри.

Бу йил воқеаларидан бири Хурсонда – Марв қишлоқларидан бирида Ҳаким Муқаннанинг исён кўтарғанилигидир. Айтишлирича, у руҳларнинг кўчиб ўтиши (таносухи арвоҳ)ни тарғиб қилган. У жуда кўп одамларни йўлдан оздириб кучайиб кетгач, Мовароунихар тарафга ўтди. Ҳалифа Маҳди бир қанча саркардалари, жумладан, Үқба иби Муслим, Жаброил иби Яхё ва Лайс иби Насрни Хурсон амири Маоз иби Муслим ихтиёрига топшириб, унга қарши жангта жўнатди. Сўнгра Маҳди Саид ал-Харашийни маҳсус равишда Муқаннага қарши жангта йўллаб, бошқа саркардаларга унга бўйсунишни буюрди. Муқанна ҳам

Кешдаги қалъалардан бирида озуқа йигиб мустаҳкамланиб олди.

(162 йил воқеалари баёнида Муқанна ва унинг тарафдорлари ҳақида бирон хабар йўқ).

163 йилда рўй берган воқеалар зикри.

Бу йил воқеаларидан бири Муқаннанинг ҳалокатидир. Сайд ал-Ҳараший уни Кешда қамал қилди ва бу муҳосара унинг ахволини оғирлантириди. Айтишларича, Муқанна ҳалокати яқинлашганини сезгач, хотишларига ва одамларига заҳар бериб ўладириб, ўзи ҳам заҳар ичib ўлган. Шундан сўнг мусулмонлар унинг қалъасига кириб, бошини кесиб олиб, бу пайтда Ҳалабда бўлган Маҳдига жўнатиши.

Абу Али Балъамий эса «Таржимаи тарихи Табарий»да мазкур мавзуга оид маълумотларни халифанинг саркарласи Жаброил ибн Яхёнинг қўзғолончиларга қарши юборилиши ҳақидаги хабар билан бошлайди. Бу асардан оқ кийимлилар ва халифа лашкарлари ўртасида Мовароунахрнинг марказий шахри Самарқанд учун айниқса қаттиқ курашлар бўлиб ўттани аён бўлади. Афтидан, Самарқандга ким эгалик қилиши урушнинг натижасига катта таъсир кўрсатишини икки тараф яхши англаган. Дарҳақиқат, араблар Мовароунахрнинг қадимий пойтахтини узил-кесил ўз қўлларига кириттач, қўзғолон алангаси пасая бошлайди. Манбаларда Муқанна қўзғолонини бостиришда иштирок қилган ўндан ортиқ араб саркардаларининг номлари келтирилган. Уларнинг энг машҳурларидан бири Жаброил ибн Яхё Наршахийнинг «Бухоро тарихи» асарида айтилишича, халифа Маҳдийнинг вазири бўлган. «Тарихи Табарий»нинг олдинги бобларида Жаброилнинг Озарбойжондаги бир урушда иштирок қилгани ҳақида ҳам маълумот бор. Ҳалифанинг Абу Нуъмон, Жунайд, Лайс ибн Наср, Ҳассон ибн Тамим, Муҳаммад ибн Наср каби саркардалари оқ кийимлилар томонидан торморм келтирилганидан кейин Жаброил ибн Яхё қўзғолонни бостиришда сезиларли муваффакиятларни қўлга кириттан дастлабки лашкарбоши эди. У оқ кийимлиларнинг Ҳаким Бухорий, Ҳашвий, Богий, Суғдиён, Ҳаждон каби атоқли саркардалари ни маҳв этади. Аммо бир неча бор катта мадад юборилишига қарамай, Жаброил ибн Яхё ҳам қўзғолонни батамом бостиришга муваффақ бўлолмайди. Ҳалифа бошқа бир тажрибали саркарда Маоз ибн Муслимни Хурросон амири қилиб тайинлаб,

Муқаннанинг Қашқадарё воҳасидаги бош қароргохини забт этишни буюради. Ҳирот (баъзи манбаларда Кермон) амири Саид ал-Ҳараший ҳам ушбу топшириқни бажаришда унга ёрдам кўрсатиш учун жўнатилади. Бу иккаласи кўп жангу жадаллардан сўнг қўзғолоннинг ўчоги бўлган Қашқадарё воҳасида ҳам ғалаба қозониб, ниҳоят Муқаннанинг сўнгги таянчи бўлган қалъани барча томондан ўраб олиб қамал қилишга муваффақ бўладилар. Аммо мазкур икки лашкарбоши ораларида ихтилофлар пайдо бўлади ва бу хабар халифага етгач, Маҳди Маозга қўмондонликни Саидга топшириб, Бағоддога қайтиш ҳакида фармон юборади. Халифага Маознинг қишлоғида совукни баҳона қилиб, оқ кийимлиларга қарши урушда сустқаплик қилтани ёқмаган эди. Шу тариқа қўзғолоннинг бош раҳнамоси Муқаннани маҳв этиш Саид ал-Ҳарашийга мусассар бўлади. Табарий ўз асарида 721–723 йиллар тарихи баёнида Мовароуннаҳрда, жумладан, Қашқадарё воҳасидаги жангларда катта иш кўрсатган ва арабларга қарпи исён кўтарган Панжикент шаҳри ҳокими Деваштични маҳв этган Саид ал-Ҳараший ҳакида маълумот беради. Ҳатто араб шоирларидан бири Саиднинг Мовароуннаҳрда кўрсатган «жасоратлари»га бағишлаб шеър ёзган бўлиб, унинг насрый таржимаси куйидагичадир:

«Саид беш қисмли лашкар билан,  
Нафасни бўғадиган чанг-тўзон орасида жангга кирди,  
Туркларга маглубиятнинг аччиқ шаробини ичказди,  
Улар дош беролмай, отларида қочиб кетишиди».

Агар бу Саид ал-Ҳараший ва орадан қарийб олтмиш йил ўтгач Муқанна қўзғолонини бостирган Саид ал-Ҳараший битта шахс бўлса (бу таҳминда асос бор), бу пайтда у кам деганда саксон-тўқсон ёшларга кирган бўлади. Эҳтимол, бошқа саркардалар Муқаннани маҳв этишдек оғир вазифани уddaрайвермагач, халифа сўнгти чора сифатида кекса, аммо пишиқ ва тажрибали лашкарбошини жангта йўллагандир.

Балъамийнинг «Таржимайи тарихи Табарий» асари атоқли муаррих ва таржимон Муҳаммад Юсуф Баёний томонидан XIX аср охирида ўзбек тилига таржима қилинган. Аммо мазкур таржиманинг Ўзбекистон ФА Шарқшунослик институти хазинасида мавжуд иккита қўлёзма нусхасининг бизни қизиқтирган

саҳифаларини кўздан кечириб чиққанимизда, унда Муқанна қўзголонига оид маълумотлар деярли тенг ярмига қисқариб кетпанини кўрдик. Эҳтимол, Баёший таржима учун фойдаланган форсий нусханинг ҳудди шу ўриниларида ноқислик бўлгандир. Шу сабабли «Таржимайи тарихи Табарий» асаридан Муқанниа қўзголони ҳақидаги фаслларни асарнинг 1898 йилда Ҳиндистонда, Канпур шаҳрида топбосма усулида чоп этилган нусхасидан таржима қилдик. Айрим зарур ҳолларда институт ҳазинасидағи форсий қўлёзма нусхалардан ҳам фойдаланилди.

### **Абу Али Мұҳаммад Балъамий «Таржимайи тарихи Табарий» асаридан**

*Жаброил ибн Яҳёнинг Хуросонда вилоятдорлик  
қилгани ҳақида фасл*

Абу Муслим Маккада ҳажни адo эттац, Хуросон сариг йўл олди. У Хуросонда халифа Абужаъфар Мансурга қарши исён кўтариш ниятида эди. Аммо Абужаъфар буни англади ва Абу Муслим Шом (Сурия)дан ўтгач, ҳийла билан ўз даргоҳига ҷақириб уни қати этди ва осонлик билан жанг жадалсиз (ўз душманидан) ҳалос бўлди. Яна Оллоҳ билгувчиидир. Шу тариқа Абужаъфар Абу Муслимни ўлдиригач, ўзига тобе кишилардан Жаброил ибн Яҳёни Хуросонга жўнатиб, бутун Хуросон мулларини унга тааллуқли қилди. Жаброил Абужаъфар фармонига биноан Хуросондан Бухоро ва Самарқанд тарафга юриш қилди. Самарқанд у даврда Туркистон ва Фарғона малики Муқанниа қўлида эди. Жаброил ибн Яҳё Бухорога етганида шаҳар аҳолиси унга пешвоз чиқиб, шаҳарга киритишди. Жаброил Бухорода ноиб қолдириб, ўзи Самарқанд шаҳри дарвозаси олдига етиб келди. Суд малики бўлган Хоқон жангта ҳозирланиб турди. Шаҳар аҳолиси икки гурухга бўлишиб, бир гурух Хоқонга, иккинчиси Жаброил ибн Яҳёга тарафдор бўлишибди. Жаброил тарафдорлари нариги гуруҳдан кўпларини ўлдиришди ва қолганлари Муқанна хузурига қочиб кетипди. Жаброил ибн Яҳё Самарқандга кирди ва Абдулмаликка чонар жўнатиб мадад сўради. Хуросон амири Уқба номли саркардани ўн минг аскар билан унга мададга юборди. У етиб келгач, жангга кирди ва турклар ва оқ кийимлилардан атча кишини ўлдиришди.

Ҳорижа (Муқаннанинг лашкарбошиси – Мух.) Самарқанд дарвозаси олдидан нари кетди ва хийла ишлатди. У бир одамни Үқба ибн Муслим олдига жўнатди ва у Үқбага шундай деди: «Бу номани Жаброил ибн Яҳё юборди ва яна айтдики, Худойи таоло инояти билан биз ғалаба қозондик ва душманлар тумтарақай қочишиди». Үқба унинг гапига ишониб орқага қайтди. Турклар унинг орқасидан ногаҳоний ҳамла қилиб, хазиналарини ўлжа қилиб олишди. Үқба Балхта кетди ва Хурросон амирига мактуб ёзиб, уни бўлиб ўтган воқеалардан огоҳ этди.

Муқанна Саржама номли кишини Ҳорижага мададга жўнатиб унга деди: «Чагониёндан ва бошқа жойлардан лашкар тўплагин». У бориб лашкар тўплади. Ҳорижа Самарқанд вилоятида эди. Муқанна Жамҳурни уч минг киши билан (ўз қароргоҳидан) чиқариб, Нахшабни ишғол қилишни буюрди. Нахшабликлар барчаси жанита қарор қилиб, шаҳардан чиқишиди ва жаигни бошлиб юборишиди. Жамҳур бир иш чиқара олмаслигига кўзи етди. Бошқалари тадбир ўйлаб, Жамҳурга дейишди: «Аҳмад исмли бир дехқон бўлиб, у катта бойликка эгадир. Бориб унинг мулкларини торат қилиш керак». Улар Нахшабдан келиб, бу дехқоннинг қишлогини қамал қилишиди. Жамҳур қишлоқ истеҳкомларини барча тарафдан ўраб олиб, қамални кучайтирипни буюрди. Аҳмад ибн Абубакр уни таниди ва бир куни кечаси ўз одамлари билан яширинча ташқари чиқиб, барча оқ кийимлиларни ўлдиришиди ва Жамҳурни дорга осишиди. Бу хабар Муқаннага етиб боргач, у ғамгин бўлди. Ҳаждон номли бир дехқон бор эди. Муқанна унга мактуб ёзиб деди: «Бир тадбир кўллаб Жаброил ибн Яҳёни Самарқанддан чиқаргин». Дехқон у мактубни ўқиди ва ўзи Жаброил иби Яҳёга нома йўллаб деди: «Агар биз Самарқандга кирсак, бундан амирга жуда кўп мағфатлар бўлғуси». Жаброил бу номани ўқигач, ўз укасини жўнатди. Ҳаждон Жаброил ибн Яҳёнинг укаси келаётганини билиб, унга пешвуз чиқиб деди: «Турклар амири сув йўлини биздан бошқа ёққа бурди. Неча кундирки, одамлар ташналикдан ўлишянти. Сен ашҳор бошига боргин ва у (турклар амири) кетгач, биз сув келтирамиз». Жаброилнинг укаси Язид ибн Яҳё унга деди: «Сўзинг макрга ўхшайди. Унинг исботи учун далил кўрсатгин». У текшириб кўриши мақсадида бир гурух отлиқни Ҳаждон билан жўнатди. Отлиқлар тезда қайтиб, сон-саноқсиз душман келаёттанини айтишиди. Сўнгра дехқон Ҳаждон пистирмада турган

лашкарни бошлаб чиқди. Бошқа томондан турклар пайдо бўлиб, шиддатли жангни бошлаб юбордилар. Язид ибн Яхё мағлуб бўлиб қочди ва йўлда бир вайрона кўшкка дуч келиб, унга кириб олди. Душманлар етиб келиб, уларни ўраб олишида ва ўша куни кечгача жанг қилишди. Коронги тушгач, улар нарироқ кетиб, кўшкнинг ҳар бир тарафига жойлашиб олишида. Язид ибн Яхё ҳалок бўлган эди. Укаси қайтиб келавермагач, Жаброил ибн Яхё зартаси куни ўзи отланиб, лашкар билан Самарқанддан чиқди. У вайрона кўшк яқинига етганида жанг қилаётган туркларни кўрди. Жаброил лашкари уларга ташланиб, «Оллоху акбар» дей сурон кўтаришди. Қамалдагилар орасида бўлган Лайс ибн Наср сурон овозини эшитиб, бақирди: «Хунхабар сизларга муборак бўлсинки, амир етиб келди». Улар ҳам вайронадан чиқиб, ҳамла қилишди. Оқ кийимлиларни мағлуб этишида ва дехқон Ҳажждонни ўлдиришди. Жаброил ибн Яхё укасининг жасадини Самарқандга элтиб дафн қилди.

Шундан сўнг Муқанна Найза номли дехқон бошчилигига тўрт минг аскарни жўнатди ва улар Самарқандни қамал қилишди. Муқанна Хоқонга ҳам мактуб ёди. Хоқон ҳам қамал қилувчиларга ёрдамга келиб, ҳаммалари бирлашишди. Фаллух хоқоннинг укаси бўлиб, оти Фил эди. У баҳодир одам эди ва Лайс ибн Наср унга қарши бориб, яккана-якка олишувда уни ўлдириди. Шундан сўнг майдонга бир дехқон тушди. Лайс ибн Наср ҳамла қилиб, уни ҳам ўлдириди. Мусулмонлар шодалитидан сурон кўтардилар. Аммо турклар ҳужумга ўтиб, жуда кўп мусулмонларни ўлдиришди. Мусулмонлар қочишида ва турклар Самарқандга ёпирилиб горат ва қирғин қилишди. Бу хабар халифа Абужъафарга етиб боргач, у мусулмонлар мусибатидан ҳўнграб йиғлади. Шундан сўнг у Маоз ибн Муслимни Хуросонга амир қилиб жўнатди ва унга деди: «Бориб, Абдулмаликни вазифасидан маззул қилгин. Унинг ҳамма одамларини олиб, шарафли эр Жаброил ибн Яхё билан бирга душманга қарши урушни кучайтир». Маоз ибн Муслим Марвга келди ва Кермоц амири Саид ал-Харашибига мактуб ёзиб, уни ҳам чакирди. Маоз ибн Муслим лашкар билан Мовароуннахрга етгач, Жаброил ибн Яхё ҳам ўз лашкари билан Самарқанд дарвозаси олдига келди. Каёки Ғузий Фаллух Хоқонга деди: «Биз Пайканд йўлининг ўртасига бориб, уни ишғол қилишимиз зарур. Шунда мусулмонлар лашкарининг йўлини тўсив форат қиласиз». Шундан сўнг улар бориб,

биёбонда пинҳон бўлиб туришди. Маоз ибн Муслим бир минг отлиқни Пайканд йўлидан жўнатган эди. Каёки Ғузий пистирмадан чиқди. Аммо Маоз ибн Муслимнинг ўзи тўрт минг аскар билан етиб келиб, улар «Оллоҳу акбар» дея сурон кўтаришга, туркларнинг дилини қўркув ва вахима қоплаб қочишга юзланишди. Мусулмонлар шамширларни ишга солиб, уч юз нафар туркни ўлдиришди ва уларнинг бошларини Бухорога элтишди. Одамлар Маоз ибн Муслимнинг атрофига тўплана бошланди. Сайд ал-Ҳараший ҳам келди ва у ўзи билан ўн минг қўй ҳайдаб келганди. Маоз унга деди: «Эй Сайд, қўйларингни со-тиб юбор, акс ҳолда улар туркларни қизиқтириб қолади». Сайд деди: «Мен билан рабиъйлар ва мударитлар (араб қабилалари – Мух.) келишди. Бу қўйларнинг жунини ҳам бирор олиб кетолмайди». Маоз лашкарни жойидан кўтариб йўлга тушди ва Сайдни муқаддима (лашкарнинг олд қисми)га қўйди. У қўйларни юз нафар отлиқка топширган эди. Турклар келиб, қўйларни ҳайдаб кетишли. Сайд уларга ҳамла қилди. Турк аскарларидан баъзилари қўйларни ҳайдаб кетишга машғул бўлиб, бошқалари жанг қилиш учун тўхташди. Маоз ибн Муслим бир жарликни тошиб, унга тушиб олди. У Сайдга чопар жўнатиб, уни ҳам чақирди. Сайд деди: «Қандай қилиб сенинг олдингта бораман? Ахир менинг қўйларимни ҳайдаб кетишди. Менга лашкар бергин, токи ўз қўйларимни қайтариб олай». Маоз деди: «Сенинг қўйларинита лаънат бўлсин». Сайд адоват юзасидан Маозни турклар қаршисида қолдириб, бу ердан кетди. Оқ кийимлилар сиқувга олгач, мусулмонлар жарликда туриб қолдилар ва сувга муҳтоҷ бўлдилар. Шу пайтда бир туркман Маознинг олдига келиб, унга Ҳошим ибн Ҳарбнинг мактубини топширди. Мактубда «Мен лашкар билан келдим, бизга дастур бергин», – деб ёзилганди. Улар ҳам келиб жарликка тушишли ва ўша жойда беш минг туркни ўлдиришди. Лашкарлар мададга етиб келгач, Маоз бу ердан қўзғалиб, Самарқандга келди. Бутун лашкарлар қарамакарши туриб жанг қилишди. Оқ кийимлилар маглуб бўлиб қочишли ва мусулмонлар уларни таъқиб этишди. Ҳорижга минг киши билан қочиб кетди. Муқаннанинг сарҳант (кичик саркарда)ларидан бири бир гуруҳ одам билан паноҳ сўраган каби Маознинг олдига келиб, ўлдириш ниятида унга ташланди. Аммо аскарлар уларни ўраб олиб, барчасини чолиб ташлашди. Маоз Марвга келди ва Жаброил Самарқандда қолди.

Бу хабарлар Муқаннага етгач, у ғамгин бўлди. Шундан сўнг у ўз одамларини олиб, ўзи қурган қалъага кетди. Ўн ийл давомида у бу ерга озуқа ва ем-хашак жамлаган эди. Бу ерда иккита қалъа бўлиб, бири бошқасининг ичкарисида жойлашган эди. Маоз ибн Муслим Жаброил ибн Яхёни Самарқандда қўйиб, ўзи лашкар билан Муқанна устига юрди. У Муқаннани исломга даъват қилиш учун бир одамни олдиндан жўнатди. У одам Маознинг олдига қайтиб келгач, у сўради: «У малъунни кўрдингми?». У шундай жавоб берди: «Қалъага етиб бордим. Унга борадиган йўл қийин экан. У (Муқанна) мени кўрди ва ўша қалъада бир кун сақлаб туришди. Сўнгра бир киши келиб, мени бошлаб борди ва мен ҳарир матолар билан безатилган ва пардалар осиглиқ бир хонани кўрдим. Эшик олдида турган чиройли гулом менга қараб қичкирди: «Бошлиғимиз сенинг қандай иш юзасидан келганлигинги сўрайпти». «Мен уни мусулмон бўлишга чақираман», – дедим. Аммо мен ҳар қанча панд-насиҳат қилисам ҳам, у баландроқ даъволар қилди. Шу найтда мен дилимда ўлимга тайёрланиб, барибир мени ўлдиришади, деб ўйладим. Уижобат қилмагач, мени Ҳорижанинг олдига элтиб, деди: «Уни кузатиб қўйгин, токи бирон кимса унга озор бермасин». Шундан сўнг Маоз дарҳол лашкарни кўтариб, Довудни бир қисм сипоҳ билан бир тарафдан жўнатиб, ўзи бошқа тарафдан юриш қилди. Шу тариқа қалъани ўргага олиб, хужумни бошлиашди. То қиш келгунча жант қилдилар. Совук бошлиғи, Маоз Довудга буюрди: «Балхга боргин ва баҳорда тайёргарлик кўриб қайтиб келгин. Чунки араблар совуқда жант қилишолмайди».

Саид ал-Ҳараний Маҳдига тинимсиз хат ёзив, Маоздан шикоят қиласади. Ниҳоят Маозга лашкарни Саидга топшириш ҳақида халифадан фармон келди. Бунинг сабаби шу эдики, шу йили Абужаъфар Мансур вафот этиб, ўғли Маҳди унинг тахтига ўтирган эди. У Хуросон амирлигини Саидга топшириди ва унга «душман билан урушда зинҳор сустқаплилкка йўл қўймагин», деб фармон жўнатди. Саид Довудни Балхдан чақириб олди ва лашкарни Муқанна қалъасининг тўрт тарафига жойлаштириб, хужум бошлиди.

---

*Маҳди ибн Абужаъфар Мансур халифалиги  
дағы ҳақида фасл*

Маҳди халифалик таҳтига ўтиргач, барча жойларга лашкарлар жүннатиб буюрди: «Ҳар қандай жойда бирон яхши-ёмон воқеа юз берса, мени ундан огох этингиз. Токи ҳар қандай хавфу хатарни даф этишига тайёр бўлиб турайлик». Саид ҳарчанд ҳийалалар қисса-да, ўша йили у қалъани забт этолмади. Яна қиши келди. Саид аскарларга ўзлари учун уй-жой қуришни буюрди. Ҳар бир қисм бошлигига масжид қуришга фармон берилди. Мусулмонлар лашкарида Жобир ибн Жунайд деган бир одам бор эди. У шу қадар довюрак ва этгичил эдик, баланд деворларга бемалол тирмашиб чиқа оларди. У бошқа икки киши билан шунга келишди: «Бу кечаси қалъя атрофидаги хандақнинг нариги томонига ўтиб, душманлар орасига кирамиз ва Ҳорижани ўлдирамиз». Шу тариқа учовлон душман қароргоҳига кириб, Ҳорижани маст ҳолида кўришди. Унинг бошини кесиб, қайтиб келишди. Ҳорижанинг бошини Саиднинг олдига элтишди. Саид хурсанд бўлиб, ҳар учаласига чопон ва совғалар берди. Эрталаб оқ кийимлилар Ҳорижани бошсиз ҳолда кўришди. Бу ишни ким қилганини ҳеч ким билмасди. Муқанна бундан хабардор бўлгач, жуда қайғурди. У лашкарни Саржамага топширди. Бир куни Саржама Саидга элчи юбориб сўради: «Агар сендан паноҳ тиласам, қабул қиласанми? Менга ёмонлик қилмай, ёроңларим билан қалъадан чиқиб кетишга изн берасанми?» Саид «қабул қиласан» деб жавоб берди. Саржама уч минг кишилик лашкар билан ташқари чиқди. Саид уларга марҳамат кўрсатиб, ўз паноҳига олди. Саржама ташқи ва Муқанна ички қалъада эди. Саид шу тарзда ташқи қалъани эгаллади. Муқанна ўз аҳволи ночорлигини аниглагач, ўзининг юзта хотини билан бир хонада ўтирди ва хотинларининг ҳар бирига заҳарли қадаҳ берди. Барчаси ичишиди ва жой-жойида ўлиб қолишиди. Муқаннанинг хотинларидан бирининг исми Ёкута (Кеш дехқонининг қизи – Мух.) эди. У заҳарни ичмасдан ёқасига тўқди ва ўлимдан қутулиб қолди. Шундан сўнг Муқанна гуломлари олдига бориб, барчасига заҳар берди ва улар ҳам ўлдилар. Ёкута шундай ҳикоя қилган экан: «Мен у (Муқанна) худди маст тияга ўхшаб қолганини кўрдим. Унинг Тадрон номли хос ходими бор эди. Бу ходимини порапора қилиб ташлади. Таандирда олов туриллаб ёнарди. Муқанна

ўзини оловли тандирга ташлади. Ёнаётги у шундай дерди: «Қанча ҳалкни нобуд қилдим. Энди ўзимни ҳам ёқишим керак». То ёниб бўлтунича, ўша тандирда аганаб бўкирди».

Муқанна ўзини ҳалок эттанини кўргач, Ёкута қалъа томонга чиқиб овоз берди ва деди: «Агар хоҳласангизлар қалъа дарвозасини очиб бераман». Саид «Хоҳлаймиз», – деди. Ёкута деди: «Шу шарт билан очаманки, ҳеч ким менинг кийимларим ва тақинчоқларимга кўл теккизмасин. Яна хазинадан менга ўн минг дирхам берасизлар». Саид деди: «Қабул қилдим, худди шундай қиласиз». У, балки Муқанна тирикдир, деб ўйлаганди. Ёкута пастга тушиб, қалъа дарвозасини очди. Саид лашкар ва ёронлари билан қалъага кириб, ундаги ахволни мушоҳада қилишди. Худога шукрлар айтишди. Ёкутага ваъда қилинган нарсаларни беришди. Сўнгра моллар ва хазиналарни олишди. Саид шундай катта зафар билан қайти ва амир ал-мўминин Маҳдига мактуб йўллади. Маҳди барча шаҳарларга фатҳномалар юборди. Мусулмонлар бу хабардан шод бўлдилар.

### 3. Муқанна қўзғолони ҳақида тарихчи Маҳмуд ибн Вали маълумотлари

XVII асрда яшаб ўтган йирик муаррих, географ ва сайёҳ Маҳмуд ибн Валининг форс тилида битилган «Баҳр ул-асрор» («Сирлар денгизи») асари Туркистон ва унга кўшини ўлкаларнинг ўтмишдаги тарихи, географияси, маданияти ва иқтисодиётини ўрганиш учун муҳим аҳамиятта эгadir. Муаллиф муқаддимасига кўра асар етти жилдан иборат бўлган. Аммо бизгача унинг фақат биринчи ва олгинчи жилларигина етиб келган. Ана шу сақланиб қолган қисмлари ҳам қомусий маълумотларни қамраб олгани туфайли қатор мамлакат олимлари томонидан катта қизиқиш билан тадқиқ этилмоқда.

«Баҳр ул-асрор»нинг олтинчи жилди кўлёзмалари Ўзбекистон ва Англияда мавжуд. Биринчи жилднинг дунёда ягона нотулик кўлёзмаси эса Ўзбекистон ФА Шарқшунослик институти хазинасида 2372-ракам остида сақланмоқда. Бу 533 варақ (1066 саҳифа)дан иборат, эни ва бўйига 27x32 см ўччамдаги катта кўлёзма китобдир. Мазкур нусхадан асар муқаддимаси ҳамда биринчи жилднинг учинчи ва тўртинчи бўлимлари ўрин олган.

Учинчи бўлим ети иқлим жуғрофиясига бағишланган бўлиб, унда ер юзидағи кўплаб мамлакатлар, шаҳарлар, ўлкалар, тоғлар, ороллар тавсифи алифбо гартирилган. Жуғрофия бўлимидағи Мовароуннахр, Хурросон, Волгабўйи ва Шарқий Туркестонга оид парчалар Б.А. Аҳмедов томонидан рус тилига таржима қилиниб, китоб ҳолида нацр этилган эди (Махмуд ибн Вали. Море тайн (География). Перевод с персидского, введение, комментарии Б.А. Ахмедова. – Ташкент: Фан, 1977).

Махмуд ибн Вали Муқанна қўзғолони ҳақида ўз асарининг икки жойида маълумот беради. Бошқа муаррихлар маълумотларидан фарқли ўларок, у Муқаннанинг Ҳирот вилояти Бодғис туманидаги Кориз қишлоғида туғилганини таъкидлайди. Айтидан, Маҳмуд ибн Вали бу қўзғолон ҳақида бизгача етиб келган манбалардан фойдаланган бўлса керак.

Нахшаб шаҳри тавсифи қўлёзманинг 233<sup>6</sup>–234<sup>5</sup> варақларида жойлашган. Маҳмуд ибн Вали шаҳар ва вилоят ўтмиши билан боғлиқ тарзда Муқанна қўзғолони тафсилотларини қисқача баён қиласди. «Баҳр ул-асрор»даги Муқанна ўлимининг баёни бошқа муаррихларнинг бу ҳақдати маълумотларидан фарқ қиласди. Маълумки, Наршахийнинг «Бухоро тарихи» асарида Муқанна ўзини ўт ёниб турган тандирга ташлаб ҳалок қилгани айтилган (Наршахий. Бухоро тарихи. – Тошкент: Фан, 1966. 68-бет). Аммо Маҳмуд ибн Вали у кислота (тезоб) тўлдирилган хумга кириб ҳалок бўлгани ҳақида маълумот беради. Бир қанча тарихчилар Муқаннанинг турли фанлардан хабардорлигини таъкидлаганинг низарда тутсак, у кимё фанидан ҳамда кислота тайёрлаш сирларидан воқиф бўлган бўлиши эҳтимолдан холи эмас. Демак, Маҳмуд ибн Валининг ушбу маълумоти тарихий ҳақиқатга хилоф келмайди.

### Маҳмуд ибн Вали “Баҳр ул-асрор”дан

#### Нахшаб

Нахшаб – Мовароуннахр шаҳарларидан, қадимда уни Насаф деб ҳам атаганлар. Мўгул (хони) Кепакхон (у 1318–1326 йилларда Чигатой улуси хони бўлган – Мух.) бу ерда бир кўшк қурган эди. Мўгул тилида кўшкни қарши дейишгани учун, ўша пайтдан бошлаб бу шаҳар Қарши номи билан машхурдир.

Ибн Муқанна Хурсондан Нахшабга келиб, қамарий ойнинг охирги кечаларида сеҳр-жоду ишлагиб, Сиём тоғидаги қудукдан симоб воситасида ойга ўхшаш бир нарсани зохир қилди. Унинг ёруғлиги ўша худудга тарашиб, ахолининг (Муқаннага) эътиқод қилишига боис бўлди. Иш шунга етдики, катта бир жамоат унинг ҳулул мазҳабига асосланган даъватини қабул қилиб, жуда кўпчилик унга бўйсуниб тобе бўлишди. У узоқ муддат ўша атрофда залолат ва гумроҳлик байроғини кўтариб, одамларни ислом аҳлига қарши уруш ва қирғинга чақирди. Нихоят, дорилхилофотдан (халифалик пойтахти Бағдоддан – Мух.) йирик бир амирни уни даф қилиш учун тайинлашди. У баъзи қальяларни муҳосара қилди. Қамал муддати узоққа чўзилганидан Ибн Муқанна издошлиарининг кўпчилиги очлик ва ташналиктан йўқлик водийсига йўл олдилар. У қолган тобеълари, хотин ва хизматкорларига заҳар бериб ўлдириб, ўзини тезоб тўлдирилган хумга ташлади. Бир канизак унинг ниятидан воқиф бўлиб, хилват жойга яширинган эди. У қонхўр қавмнинг ҳалокатидан хабар топгач, қалъа девори тепасига чиқиб, ўзи учун омонлик сўраб олгач, ислом аҳлини содир бўлган воқеадан хабардор килди. Жангчилар ҳисорга кириб, бу сирли кимсадан бирон нишон ҳам тополмадилар. Ибн Муқаннанинг муридлари оқ кийимлилар номи билан машҳурдирлар.

## **Фойдаланилган манба ва адабиётлар рўйхати**

1. Абу Али Балъамий. Таржимаи тарихи Табарий (форс т.) – Кантур, 1898.
2. Абусаид Гардизий. Зайн ул-ахбор. Нашрга тайёрловчи Абдулҳай Ҳабибий (форс т.). – Техрон, 1347 шамсий иил.
3. Айний, Садриддин. Исёни Муқаннаъ. – Душанбе: Маориф, 1978.
4. Айний, Садриддин. Муқанна исёни. Тарихий-адабий очерк. Тоҷик тилидан Ҳ. Ҳомидов таржимаси. – Тошкент: Фан, 1994.
5. Кадырова Т. Из истории крестьянских движений в Мавераннахре и Хорасане. – Ташкент: Наука, 1965.
6. Маҳмуд ибн Вали. Баҳр ул-асрор // ЎзР ФА Шарқшунослик институти қўлёзмаси, №2372.
7. Наршахий. Бухоро тарихи. Форсчадан А. Расулов таржимаси. – Тошкент: Фан, 1966.
8. Якубовский А.Ю. Восстание Муканны – движения людей в «белых одеждах». // Советское востоковедение, 1948, №5, стр. 35–54.
9. Гулом Карим. Муқанна. – Т.: Ўзбекистон, 2009.

## **Мундарижа**

Сўзбоши.....	3
Муқанна қўзғолони – халқимиз тарихининг чигал ва мураккаб саҳифаси .....	4
Муаррихларнинг Муқанна шахсиятига муносабати .....	6
Муқанна қўзғолони иштирокчилари .....	9
Оқ кийимлилар қўзғолонининг сабаблари .....	11
Муқанна қўзғолони муаррихлар талқинида .....	12
1. Муқанна қўзғолони ҳақида тарихчи Гардизий маълумотлари .....	12
2. Муқанна қўзғолони ҳақида тарихчи Табарий ва Бальамий маълумотлари .....	16
3. Муқаниса қўзғолони ҳақида тарихчи Маҳмуд ибн Вали маълумотлари .....	27
Фойдаланилган маибла ва адабиётлар рўйхати .....	30

**Ғулом Абдуқаюмович Каримов**

**МУҚАННА**

*(рисола)*

*ӯзбек тилида*

Муҳаррир В. Умиров

Техник муҳаррир У. Ҳамитов

Мусаҳҳиҳ Н. Сайдазмедова

Дизайнер Г. Насридинова

Компьютерда саҳифаловчи С. Сайдазмедов

«ABU MATBUOT-KONSALT» нашриёти.  
100011, Тошкент ш., Навоий кўчаси, 16-А уй.

Телефон: (+99871) 241-0169

Факс: (+99871) 241-0173

e-mail: abu\_mc@uzconsult.org  
abu.matbuot-consult@yandex.ru

Нашр. лиц. АI № 090, 16.07.2007. Босишига 06.04.2011 йилда рухсат этилди.

Бичими 60×84 ¼. Шартли босма тобоги 1,86. Нашр тобоги 2,00.

Адади 2000 (биринчи завод – 1000). Буюртма №11-022.

Баҳоси шартнома асосида.

«ABU MATBUOT-KONSALT» МЧЖ  
матбаа бўлимида босилди.

2975

### "ТАРИХ ВА ТАҚДИР"

руқнида чоп этилаётган рисолалар:

- |                            |                        |
|----------------------------|------------------------|
| 1. АМИР ТЕМУР              | 16. АБУ РАЙҲОН БЕРУНИЙ |
| 2. АЛП ЭР ТҮНГА (АФРОСИЁБ) | 17. НАЖМИДДИН КУБРО    |
| 3. ТУН ЯБГУ-ХОҶОН          | 18. БАҲОУДДИН НАҚШБАНД |
| 4. ЖАЛОЛИДДИН МАНГУБЕРДИ   | 19. АЛИШЕР НАВОЙИ      |
| 5. УЛУҒБЕК                 | 20. МАҲДУМИ АЪЗАМ      |
| 6. БОБУР                   | 21. МАШРАБ             |
| 7. МУҲАММАД ШАЙБОНИЙХОН    | 22. МУҚАННА            |
| 8. УБАЙДУЛЛАХОН            | 23. КАТТА ЭРГАШ        |
| 9. АБДУЛЛАХОН II           | 24. МАДАМИНБЕК         |
| 10. НАСРУЛЛОҲОН            | 25. ШЕРМУҲАММАДБЕК     |
| 11. ШОҲМУРОД               | 26. ЖУНАИДХОН          |
| 12. АМИР ОЛИМХОН           | 27. ИБРОҲИМБЕК         |
| 13. УСМОН ХЎЖА             | 28. МУЛЛА АБДУЛҚАҲХОР  |
| 14. ФАЙЗУЛЛА ХЎЖАЕВ        | 29. ҲАМРО ПОЛВОН       |
| 15. АБУ АЛИ ИБН СИНО       | 30. ПЎЛАТ СОЛИЕВ       |

ISBN 978-9943-336-67-4



9 789943 336674



"ABU MATBUOT-KONSALT"